

TUBERCULOSIS
LECCION I
IPAJENCAAQUERI

Peerani timatsi aparoni nampitsi ari isaiquiri aparoni ashaninca ipajita Noé. Anteariperotapaaque yoca ashaninca. Ijati yantaveeti, jataque arejiqui cameetsa icanta iroaquerani yantaveetapaaque. Imapocashitanaca Noé meeca imantsiatanaque te ishintsitanajeji iquempeveitani peerani neapero icanta ashaninca. Irootaque caari iquemaatsitan-taro iquemavetapinitaro ocatsitimotiri aiqtero yantaveetati iquempeveitaroni peerani. Icaanta meeca maperotaca te ishintsitanajeji yantaveetaje otimatiye ijataje impianaje inampiqui. Yoimintsaroajeitaqueri maaroni ishaninca ineaqueri imatsatanaque Noé. Oshequi yatojeveetanaque, aisati yatojetacotaquero iyamaantsite oquiteri-patsataque. Tecatsi iotatsine meeca irooya aaqueriri Noé, mantsiarentsi pajitachari tubercu-losis pulmonar. Tecatsi iotatsine aisati arioya iratentaquearo maaroni inampiqui oca mantsiarentsi.

PAITA ICANTERIRI MEDICO YORA MANTSIATATSIRI

AISATI

PAITA IPERIRI IRAVISACOTANTAJEARI

Aparoni nampitsi oshequi ipiota mantsiari
airi tuberculosis, aitaque osaiquiri aparoni
tsinane pajitachari Rosa. Aparoni quitaiteri,
iroori ojataque anta medicoqui. Ora Rosa oshequi
ojoquiitaca atojeveetaque icarataque atojeveetaque
apapacaroni cashiri. Oshequi omatsatanaque,
aisati te oshintsitajeji. Icaratapiniti
catsirincaiteri oshaaviniji oshequi opioncapinitaca
aisati oshequi ocatsitapinitaque otapiiqui
ariorica aaneencavetapinita. Yora médico yamena-
quero Rosa ijivetaca aaquero tuberculosis, iro
cantaincha iriotasanotantearori otimatiye iramenero
irineantearo queariorica aaquero tuberculosis.
Ari yamenaquero ineantacaro ora tuberculosis, ari
yamenaquero radiografiaqui ovijoncare, aisati
yaaquero atojere iramenero microscopioqui
iriotantearori aaquerorica tuberculosis.

LECCION IV

ICAMANTEETIRIRI YORA MANTSIARI AIRI TUBERCULOSIS

Jaoca acanteari eiro atentantaro tuberculosis.

Oshequi ocantapinitaqueri ora aavintantatsiri. Ocantaqueri jaoca icanteari eiro yatentantarotsi mantsiarentsi ora tuberculosis pashiniqui nampitsi. Tempa piotaquero avirori jaoca ojitari ocanocamantaquempiri, ¿tempa ari? ¿Janica materone yacacayero oca sampitantsi? (Yora ovametantatsiri ari irineanatero ora ovana 27-36 iquenqueshirentartearori cameetsa iracacayero.)

1. Eiro yarajencaitantatsi yora microbio oinijaantirori tuberculosis, ¿Jaoca icanteari mantsiari ariorica iratojete aisati ariorica yatisanque?
2. ¿Paitaquea eiro iquitiojantatsi yora mantsiari jaocapeerica?
3. ¿Jaoca iroyerori mantsiari iratojere?
4. ¿Yora mantsiari paita eiro yovantapinitarotsi aisati eiro irantapinitarotsi, irashi tecatsitatsiri?
5. ¿Paita eiro atsipantatari amaye yora mantsiari?
6. ¿Paita caari ocameetsatanta onojate pearentsi ora tsinane mantsiari airi tuberculosis?
7. ¿Paita iranteri yora mantsiari ariorica yatojetaquero iyamaantsite iracoqui aisati yatisanquerica?

Maaroni yoca 4 eeretanaintsiri aisati quitioncata-naintsiri iracojempequiqui, ari yamenanteetacari radiografiagui. Ora airo, aisati otomijaniqui iro aaqueri tuberculosis. Anta radiografiagui irashi ojime oconijataque omatatanaque ivijoncare iotan-tacari avisacotanaji imantsiare tuberculosis. Irioquea anta radiografiagui itomi jivatatsiri itimi, evancari ocarataque 12 irosarentsite te ayeriji irinti tuberculosis.

Tempa maperotanaca aaquero otsipatacari osarijaniqui otimatiye irero aavintarontsi ocarataque aparoni osarentsi. Iroompa Rosa otimatiye osatayempa mavani cashiri. Aisati irapinitero aavintarontsi. Icantaquero yora médico otimatiye irero aavintarontsi aisati iriori otomipee. Icarataque 6 cashiri irirajeitero. Oquemaque Rosa otsaroanaque osampitanaqueri yora médico: -¿paita irantearori notomipee tequera ayerita tuberculosis? Icantanaquero médico: Otimatiye irirero aavintarontsi eiroquea aantari iriori tuberculosis.

Ariorica itimi aparoni airi tuberculosis, ora radiografia ari amitacotaque ayotantearori aaquerica tuberculosis. Ariorica amenero oshia-caantaro avijoncare ari aneaquero oquitamaroyetaque oquempetacaro ampeji. Oquempetaca yora aparoni mantsiatatsiri otimayetaque capichaji iquitamaroyetaque anta ivijoncarequi. Ariorica yaneenca-terome tampeajenca eiro omatatsi oqueajencataje anta ipatsaayetaquenta ivijoncarequi. Ariorica oshitovacotanaque oshiacaantaro ari aneaquero oconijatanaque. Iriompa yora ashaninca caari aii tuberculosis eiro aneirotsi oquitamaroyete ivijoncare eiro oquempetarotsi ampeji. Aisati cameetsa oqueajencate tampeajenca anta apitequi ivijoncare. Anta radiografiaqui ari aneaquero maaroni avijoncare otsitenisantetaque cameetsa.